

न्य॒कृता॒ यस्यै॒ तां॒ मात्रा॒ सम॒जीगम॑ स्वा॒हेति॒ यद्यु॑ऽअ॒विज्ञा॒तो गर्भा॒ भव॑ति पु॒-
 स्कृ॒त्यैव॒ जुहु॑यात्पु॒माऽसौ॒ हि गर्भा॒ अ॒ङ्गान्य॒कृता॒ यस्य॒ तं मात्रा॒ सम॒जीगम॑ स्वा॒-
 हेत्य॒दो वा॑ऽए॒तं मात्रा॒ वि॒ध्वञ्च॑ कुर्व॒न्ति य॒ददो॒ निष्क॑र्ष॒न्ति तमे॒तद्वा॒णैव॒ यजु॑षा
 सम॒र्थं म॒ध्यतो॒ यज्ञ॒स्य पुन॑र्मात्रा स॒ङ्गम॑यति ॥ १० ॥ अ॒थाध॒युर्वन॒स्पति॑ना चरति ।
 व॒नस्प॑तिनाध॒र्युश्चरि॑त्वा या॒न्युप॒भृत्य॑व॒दाना॑नि भ॒वन्ति ता॒नि स॒मान॒यमा॑न आ॒ह्वा-
 ग्र्ये स्वि॑ष्ट॒कृते॑ऽनु॒ब्रूही॒त्यत्या॒क्राम॑ति प्र॒तिप्र॑स्थाता स ए॒तऽसर्व॑मेव मे॒धं गृ॑ही॒ति
 ऽथो॒परि॑ष्टाद्वि॒राज्य॑स्याभि॒धारय॑त्या॒श्राव्या॒ह प्रे॒ष्येति॒ व॒षट्कृ॑तेऽध॒र्युर्जु॑होत्यध॒र्योर्नु॒-
 होमं॒ जुहो॑ति प्र॒तिप्र॑स्थाता ॥ ११ ॥ पुरु॑द॒स्मो वि॒षुद्वप॒ इन्द्र॑रि॒ति । ब॒हु॒दान॑ इति
 ह॒ैतद्य॑दा॒ह पुरु॑द॒स्म इति॒ वि॒षुद्वप॒ इति॒ वि॒षुद्वपा॒-इव॒ हि गर्भा॒ इन्द्र॑र॒त्तर्महि॑मा॒-
 न॒मान॑ञ्च धी॒र इत्य॑त्त॒र्क्षे॒ष मा॒त॒र्य॒क्तो भ॑वत्ये॒कप॑दीं द्वि॒पदीं॒ त्रि॒पदीं॒ च॒तुष्प॑दीम॒ष्टा-
 प॑दीं भु॒वनानु॒ प्रथ॑न्ताऽस्वा॒हेति॒ प्रथ॑यत्ये॒वैन॑मे॒तत्सु॒भूयो॒ ह ज॑यत्य॒ष्टाप॑द्ये॒ष्टा य॒दु-
 चान॑ष्टाप॒द्या ॥ १२ ॥ तदा॒हुः । क्वी॑तं गर्भं कुर्या॒दिति॒ वृक्ष॑ऽए॒वैन॑मु॒दध्यु॑र॒त्तरि॑क्षा॒य-
 तना॒ वै गर्भा॒ अ॒त्तरि॑क्षमि॒वैत॒द्यद्वृ॑क्षस्त॒देन॑ऽस्वऽए॒वाय॑तने प्र॒तिष्ठा॑पयति त॒दु वा॒-
 ऽआ॒हु॒र्य ए॒नं त॒त्रानु॑व्या॒हरे॒द्वृक्ष॑ऽए॒नं मृ॑तमु॒द्वास्य॑तीति॒ तथा॒ ह॒ैव स्यात् ॥ १३ ॥
 अप॒ ए॒वैन॑मभ्य॒वह॑रेयुः । आ॒पो वा॑ऽअस्य स॒र्वस्य॒ प्रति॑ष्ठा त॒देन॑म॒प्स्वेव॒ प्रति॑ष्ठा-
 पयति त॒दु वा॑ऽआ॒हु॒र्य ए॒नं त॒त्रानु॑व्या॒हरे॒दप्स्वेव॒ मरि॑ष्यतीति॒ तथा॒ ह॒ैव स्यात्
 ॥ १४ ॥ आ॒षू॒त्कर्ऽए॒वैन॑मु॒पकि॑रेयुः । इ॒यं वा॑ऽअस्य स॒र्वस्य॒ प्रति॑ष्ठा त॒देन॑मस्या॒-
 मे॒व प्रति॑ष्ठापयति त॒दु वा॑ऽआ॒हु॒र्य ए॒नं त॒त्रानु॑व्या॒हरे॒त्ति॒प्रेऽस्मै॒ मृ॒ताय॑ श्म-
 शानं॒ करि॑ष्यतीति॒ तथा॒ ह॒ैव स्यात् ॥ १५ ॥ प॒शुअ॒पण॑ऽए॒वैनं॒ मरु॑द्भ्यो जुहु॑यात् ।
 अ॒कृता॒दो वै दे॒वानां॒ मरु॑तो वि॒डु॒कृत॑मि॒वैत॒द्यदृ॑तो गर्भं आ॒हव॑नीयाद्वा॒ऽएष॒-
 आ॒ह॒तो भ॑वति प॒शुअ॒पण॑स्तथा॒ह न॒ ब॒र्हिर्धा॒ यज्ञा॑द्भवति न॒ प्रत्य॑क्षमि॒वाह॑वनीये
 दे॒वानां॒ वै मरु॑तस्त॒देनं॒ मरु॑त्स्वे॒व प्रति॑ष्ठापयति ॥ १६ ॥ स॒ हु॒त्वैव॒ समि॑ष्टयजू॒षि ।